

張

承

吉

集

第一卷

五言雜題七十二首

觀李司空獵

獵

鷲鷓

再吟鷲鷓

謝鄭模見寄

送蘇紹之

送沈下賢

送盧弘本

晚次荆溪館

寄徐真外

旅次上饒溪

送徐彥夫南遷

送韋整尉長沙

送外生

贈薛鼎臣侍御

送曾黯遊夔州

送李長史

贈契衡上人

贈許玫赴桂州

題上饒亭

題僧壁

寄盧載

送楊秀才遊蜀

送楊秀才

途中逢李道實

送王正夫

送韋正貫

贈貞固上人

題贈志凝上人

送瓊真發述懷

寄靈徹上人

溪行

贈僧雲栖

送魏尚書

寄遠客

題蘇小小墓

江南作

題山水障子

將之衡陽

讀狄梁公傳

題真娘墓

洞庭南館

題仲儀上人院

題聖女廟

題山水障子

詠風

送陳肱侍御

陪范宣城夜讌

憲宗皇帝挽歌

發蜀客

江城晚眺

題樟亭

樂靜

登廣武原

觀田大夫打毬

題丹陽練胡亭

題程氏書齋

逢東林寺舊僧

貴池道中作

喜王子載話舊

秋日病中

訪許晦用

題海鹽南館

晚秋江上作

吳宮曲

賦昭君塚

哭陸大夫

晚夏歸別業

公子行

題曾氏園林

讀始興公傳

中秋月

第二卷

五言雜詩四十五首

江西道中作

題常州水西館

題李瀆山居

題陸壩金沙洞居

題伏牛潭

旅次石頭岸

觀于使君家樂

箏

歌

笙

五絃

膚篋

笛

舞

篴篥

簫

溪行寄故人

夕次相廬

入潼關

南宮嘆

題平望驛

隋宮懷古

偶蘇求至話別

秋齋

詠史二首

洞房驚

荅僧贈拄杖

鷺鷥

塞下

憶雲陽宅

題造微禪師院

酬武蘊之

題萬道人禪房

病較訪山

題松汀驛

處士隱居

濠州水館

早春錢塘湖晚眺

石頭城寺

傷遷客歿南中

烏夜啼

李謨笛

第三卷

五言雜詩四十七首

題潤州金山寺

題潤州甘露寺

題杭州孤山寺

題餘杭縣龍泉寺

題濠州鍾離寺

題大覺禪師影堂

秋夜宿靈隱寺

題杭州天竺寺

題杭州靈隱寺

題蘇州思益寺

題蘇州楞伽寺

題蘇州靈巖寺

題重居寺

題善權寺

題南陵隱靜寺

題丘山寺

贈廬山僧

題道光上人山院

題虎丘寺

題惠山寺

題普賢寺

題虎丘東寺

題招隱寺

題蘇州虎丘西寺

塞下曲

宿淮陰水館

題小松

夏日梅溪館寄龐舍人

感河上兵

贈河南將

題惠昌上人

塞上曲

題秀師影堂

題弋陽館

題李脩源

瓜州聞曉角

連昌宮

感春申君

元日仗

千秋樂

大酺樂二首

正月十五日夜盛

燕戲樂

上巳樂

邠王小詠

第四卷

七言雜題五十首

孟才人歎

退宮人二首

玉環琵琶

春鶯囀

寧哥來

鄴中懷古

讀杜秋詩

開元寺牡丹花

贈元道處士

招徐宗偃畫松石

平陰夏日作

題酸棗驛前碑

題朱丘曹山居

容兒鉢頭

邠娘鞦韆

耍娘歌

悖挈兒舞

酬惟信上人

題靈徹上人房

晚秋潼關作

贈內人

折楊柳枝二首

華清宮四首

洛中作

送走馬使

贈竇家小兒

題畫僧

聽崔莒侍御琴家歌

長門怨

讀老莊

偶題

題御溝

別玉華仙宮

汴上送客歸

題御亭殘花

秋曉送鄭侍御

宿武牢關

宿湓浦逢崔昇

京城寓懷

感歸

偶作

題青龍寺

江上作

勸飲酒

疏黃

第五卷

七言雜題四十七首

集靈臺二首

阿鷓湯

馬嵬歸

馬嵬坡

太真香囊字

散花樓

雨霖鈴

劉端公田家歌

耿家歌

題田大夫家樂丘家第

王家琵琶

董家笛

王家五絃

李家柘枝

韋中丞箏篌

邊上逢歌者

聽薛陽陶蘆管

聽李簡上人吹蘆管

聽徐貞父彈琴

塞上聞笛

經舊遊

東山寺

題潤州鶴林寺

題勝上人山房

題金陵渡

過陰陵山

過汾水關

釣弋夫人詞

李夫人詞

縱遊淮南

櫻桃

鴻溝

題峯頂

悲納鐵

登樂遊原

過石頭城

西江行

澗川寺路

夜雨

秋晚途中作

黃蜀葵花

酬凌符秀才惠枕

楊花

薔薇花

第六卷

五言雜題六十首

宮詞二首

昭君怨二首

樹中草

夕次竟陵

書憤

信州水亭

夢江南

題惟真上人影堂

七里瀨漁家

獻徐貞外

廬明府新樓

茲烏

題贈安禪師

題孟浩然宅

江南逢故人

松江懷古

首陽竹

蘇小歌三首

閑居作五首

江南雜題三十首

寓居臨平山下三首

第七卷

七言雜題三十八首

到廣陵

謝高燕公惠生衣

戲贈村婦

題法雲寺雙檜

登蘇州重玄閣

登慈和寺塔

和題九峯樓

重陽日齋山登高

投盧中丞

投盧尚書

投盧郎中

送劉軻歸寧

惜春

憶遊天台寄道流

新敲角樓

韋舍人新築河堤

李尚書新樓

宣州新橋對月

福州白竹扇子

所居即事六首

贈薛鼎臣侍御

偶信

送李兵曹

酬荅柳宗言

贈秀峯上人

洛中寓懷

寄獻蕭相公

送法鏡上人

愛妾換馬

鷹

題李戡山居

題李山人園林

第八卷

雜題六十四首

投河陽右僕射

逢王直方

題重玄寺閣

投韓員外

哭京兆龐尹

寓懷寄劉郎中

龍興寺三門樓

題李庠郊居

題臨平驛亭

窮居

題千越亭

寄王尊師

題聽崔權處士

酬餘姚鄭模明府

貴溪南亭晚眺

裴中丞出柘枝

李將軍柘枝

周員外出柘枝妓

周員外出柘枝

感王將軍柘枝妓殁

贈柘枝

贈杭州柘枝

觀田中丞出獵

鍾陵旅泊

湘中行

陸先生草堂

投盧尚書

送鄭滿判官歸冬寧

經咸陽城

惠尼童子

將之會稽先寄

燕西湖亭

杭州晚眺

彈琴歌

射虎詞

古鏡詞

開聖寺

愛妾撥馬

偶題

經西塢偶題

曉別

上元懷古

隋堤懷古

洛陽春望

灞上送客

喜聞收復河隴

冬日并州道中

鑿池種蘆之什

長安感懷

題徐州流溝寺

公子行

高閑上人

貧居遣憤

徐明府水亭

李常侍柝打毬

中秋夜杭州看月

題靈巖寺

題天竺寺

贈王昌涉侍御

投從兄中丞

讀韓文公集

徐貞外雲夢新亭

寄師一上人

第九卷

五七言長韻三十首

吳中懷古

和徐貞外雲夢新亭

投陳許崔尚書

酬房子客郊居

觀潮

觀山海圖

題李端公後亭

題崔兵曹林亭

題宋徵君林亭

劉中丞樓

題游杯池

題假山

越州懷古

晚下彭澤

夢游仙

寓言

送蜀客

題池州杜貞外弄水新亭

戊午年高興

投陳許李司空

投魏博田司空

投魏博李相國

游天台山

讀西漢書

苦旱

苦雨

陪楚州韋舍人

韋舍人北閣門遊宴

投太原李司空

第十卷

五七言長韻十六首

獻太原裴相公

贈崔荆

題華清宮

投宛陵裴尚書

揚州贈崔荆

遊蔚州過昭陵

叙詩

大唐聖功詩

元和直言詩

呈徐貞外

登香岫峯

丹陽新居

憶江東舊遊

戊午年感事書懷

夢季白

張承吉文集目錄終

張承吉集卷第一

雜詩

觀徐州李司空獵

曉出郡城東分圍淺草中
紅旗開向日白馬驟迎風
背手抽金鏃翻身控角弓
萬人齊拍颯一鴈落塞空

獵

殘獵渭城東蕭蕭西北風
雪花鷹背上冰片馬蹄中
臂挂捎荆兔腰懸落箭鴻
歸來逢餘勇兒子亂彎弓

鷓鴣

栖栖南越鳥色麗思沉
浩暮隔碧塵至海春依紅
樹林雕籠悲斂翅畫閣豈
關心無事能言語人聞悲
恨深

再吟鷓鴣

萬里去心違奇毛覺自非美人憐解語此鳥畏多機未
勝無丹菡何勞事綠衣雕籠終不戀會向故山歸

訓鄭模司直見寄

故人滄海曲聊復話平生喜是狂奴態羞為老婢聲官
途終日薄身事長年輕猶賴書千卷長隨一棹行

送蘇紹之歸嶺南

孤舟越客吟萬里曠離吟夜月江流闊春雲嶺路深珠
繁楊氏果翠耀孔家禽無復天南夢相思空樹林

送沈下賢謫尉南康

秋風江上草先是客心摧萬里故人去一行新鴈來山
高雲緒斷浦迴日波頽莫恠南康遠相思不可裁

送盧引本浙東覲省

東望故山高秋歸值小初懷中陸續摘江上伍負濤好
去寧鷄口加食及蟹螯知君思無倦爲我續離騷

晚次荆溪館呈崔明府

艤舟陽羨館飛步繚躑楹山暝水雲碧月涼煙樹清長
橋深漾影遠檣下搖聲况是無三害茲歌初政成

寄朗州徐員外

江嶺昔飄蓬人間值俊雄關西今孔子城北舊徐公清
夜遊何處良辰此不同傷心幾年事一半在湖中

旅次上饒溪

碧溪行幾折凝棹宿汀沙角斷孤城掩樓深正月斜夜
橋昏水氣秋竹靜霜華更想曾題壁彫零可歎嗟

送徐彥夫南遷

萬里客南遷孤城漲海邊瘴雲秋不斷陰火夜長然月
上行虛市風迴望舶舡知君還自潔更爲酌貪泉

送韋整尉長沙

遠遠長沙去憐君利一官風仇彭蠡疾雲水洞庭寬木
客提蔬束江烏接飯九莫言卑濕地未必乏新歡

送外生

衰年生姪少唯尔最關心偶作魏舒別聊爲殷浩吟白
波舟不定黃紵路難尋自此樽中物誰當更共斟

贈薛鼎臣侍御

一命前途遠雙曹小邑閑夜潮人到郭春霧鳥啼山淺
瀨橫沙堰高巖峻石斑不堪曾倚棹猶復夢昇攀

送曾黯遊瓊州

不遠夔州路，層波滙潏連。下來千里峽，入去一條天。樹色秋帆上，灘聲夜枕前。何堪正危側，百丈半山顛。

送李長史歸涪州

涪江江上客，歲晚却還鄉。暮過高唐雨，秋經巫峽霜。急灘舡失次，疊嶂樹無行。好爲題新竹，知君思不常。

贈契衡上人

小門開板閣，終日是逢迎。語笑人同坐，修持意別行。水花秋始發，風竹夏長清。不恨恹惶久，憐師記姓名。

走筆贈許政赴桂州命

桂林真重德，蓮幕藉殊才。直氣自消瘴，遠心無斲灰。劍稜叢右險，箭激亂流迴。莫說鴈不到，長江魚盡來。

題上饒亭

溪亭拂一琴促軫坐披衿夜月水南寺秋風城外砧
早霜紅茶靜新雨碧潭深唯是壺中物憂來自自斟

題僧壁

出門無一事忽忽到天涯客地多逢酒僧房却厭花
碁因王粲覆碁是禰衡櫓自喜疎成品生前不怨嗟

寄盧載

故人盧氏子十載曠佳期少見雙魚信多聞八米詩
侏儒他甚飽款段尔應羸勿謂今劉二相逢不熟槌

送楊秀才遊蜀

鄂渚逢遊客瞿塘上去舡峽深明月夜江靜碧雲天
舊俗巴渝舞新聲蜀國絃不堪揮慘恨一涕自潸然

送楊秀才往夔州

鄂渚逢遊客，鑿塘上去舟。南連萬里海，峽入一條天。鳥影沉沙日，猿聲隔樹煙。新詩逢北使，爲造幾巴牋。

途中逢李道實遊蔡州

征馬漢江頭，逢君上蔡遊。野橋經亥市，山路過申州。僻地人行澗，荒林虎跡稠。殷勤話新守，生物賴諸侯。

富陽道中送王正夫

枿枿上荒原，霜林赤葉翻。孤帆天外出，遠戍日中昏。摘橘防深刺，攀蘿畏斷根。何堪衰草色，一酌送王孫。

送韋正賈赴制舉

可愛漢文年，鴻恩蕩海壖。木鷄方備德，金馬正求賢。大戰希遊刃，長途在著鞭。時看晁董策，便向史中傳。

贈貞固上人

南國披僧籍高標一道林律儀精疊布直行止吞針撥
火身潛起焚香口旋吟非論坐中社余亦舊知音

題贈志疑上人

悟色身無染觀空事不生道心長日笑覺路幾年行片
月山林靜孤雲海棹輕願為塵外契一就智珠明

送瓊真發述懷

送出南溪日離情不忍看漸遙猶顧首帆去意難判最
恨臨行友相期幾百般但能存歲節終久得同權

寄靈徹上人

老僧何處寺秋夢繞江濱獨樹月中鶴孤舟雲外人榮
華長指幻衰病久觀身應笑無成者滄洲畫一輪

溪行寄京師故人道侶

白日長多事清溪偶獨尋雲歸秋水闊月出夜山深坐
想天涯去行悲澤畔吟東郊故人在應笑未抽簪

贈僧雲栖

塵尾與邛杖幾年離石檀梵餘林雪厚棊罷岳鍾殘開
卷喜先悟漱瓶知早寒衡陽寺前鴈今日到長安

送魏尚書赴鎮州行營

河塞日駸駸恩酬報盡深伍貞忠是節陸績孝為心坐
激書生憤行歌壯士吟慙非燕地客不得受黃金

寄遷客

萬里南遷客辛勤嶺路遙溪行逢水弩野店避山魈瘴
海須求藥貧泉莫舉瓢但能堅志義白日甚昭昭

題蘇小小墓

漠漠窮塵地蕭蕭古樹林
臉濃花自發眉恨柳長深
夜月人何待春風鳥自吟
不知誰共穴徒願結同心

江南作

楚塞南行久秦城北望遙
少年花已過衰病柳先彫
客淚收迴日鄉心寄落潮
殷勤問春鴈何處是煙霄

題王右丞山水障子二首

精華在筆端咫尺匠心難
日月堂中見江湖蒲坐看
夜凝風影濕秋浸壁光寒
料得昔人意平生詩思殘

其二

右丞今已歿遺畫世間稀
咫尺江湖盡尋常鷗鳥飛
山光全在掌雲氣欲生衣
以此長爲玩平生滄海機

將之衡陽道中作

萬里南方去扁舟泛自身長年無愛物深話少情人醉
卧襟長散閑書字木真衡陽路猶遠獨與鴈為賓

讀狄梁公傳

失運廬陵厄乘時武后尊五丁扶造化一柱正乾坤上
保儲皇位深然國老勲聖朝雖百代長合問王孫

題真娘墓

墓在虎丘西寺內

佛地葬羅衣孤魂此是歸舞為蝴蝶夢歌謝伯勞飛翠
髮朝雲在青娥夜月微傷心一花落無復怨春暉

洞庭南館

一迥迥霜林朱欄遶碧岑地盤雲夢角山鎮洞庭心樹
白看煙起沙紅見日沉還因此悲屈惆悵又行吟

題贈仲儀上人院

星霜幾朝寺香火靜居人黃葉不驚意青山無事身拋
生臺上日結座履中塵自說一時課別來詩更新

題聖女廟

古廟無人入蒼皮溢老桐蟻行蟬殼上虵窟雀巢空淺
水孤舟泊輕塵一座濛晚來雲雨去荒草是殘風

題山水障子

一見秋山色方憐畫手稀波濤連壁動雲物下簷飛嶺
樹冬猶發江帆暮不歸端然是漁叟相向日依依

詠風

摇摇歌扇舉悄悄舞衣輕引笛秋臨塞吹沙夜遶城向
峯迴鴈影出峽送猿聲何似琴中奏依依別帶情

奉和令狐相公送陳肱侍御

高館動離愁，親賓聊嘆稀。笑歌情不盡，歡待禮無違。清
露府蓮結，碧雲臺鶴飛。還家與詔惠，雨露豈殊歸。

陪范宣城北樓夜讌

華軒敞碧流，宮妓擁諸侯。粉項高叢鬢，檀粧慢覆頭。亞
身摧蠟燭，斜眼送香球。何處偏堪恨，千迴下客籌。

憲宗皇帝挽歌詞

嗚咽上攀龍，昇平不易逢。武皇虛好道，文帝未登封。壽
域無千載，泉門是九重。橋山非遠地，雲去莫疑峯。

發蜀客

風吹魯國人，飄蕩蜀江濱。濕地饒蛙黷，衰年足鬼神。時
清歸去路，日復病來身。千萬長堤柳，從他爛漫春。

江城晚眺

重檻構雲端江城四餅盤
河流出郭靜山色對樓寒
浪草侵天白霜林映日丹
悠然此江思樹杪幾檣竿

題樟亭

曉霽憑虛檻雲山四望通
地盤江岸絕天映海門空
樹色連秋靄潮聲入夜風
年年此光景催盡白頭翁

樂靜

引手強簪巾徐徐起病身
遠心群野鶴閑語對村人
發匣琴徽靜開瓶酒味真
縱聞兵賦急原憲本家貧

登廣武原

廣武原西北華夷此浩然
地盤山入海河遠國連天
遠樹千門邑高檣萬里舡
鄉心日去暮猶在楚城邊

觀宋州田大夫打毬

白馬頰紅纓梢毬紫袖輕曉水蹄下裂寒瓦杖頭鳴叉
手膠粘去分髹線道緝自言無戰伐髀骨已曾生

題丹陽永泰寺練湖亭

小檻俯澄鮮龍宮浸浩然孤光懸夜月一片割秋天淺
派亂沙草餘波漂岸舡聊當因畎澮披拂坐潺湲

題程氏書齋

僻巷難通馬深園不藉籬青蘿燠栢葉紅粉瑞蓮枝兩
鷺銜泥近風魚匝網遲緣君尋小岸好是更能詩

毀浮圖年逢東林寺舊僧

可惜東林寺空門失所依翻經謝靈運畫壁陸探微隙
地泉聲在荒途馬跡稀殷勤話僧輩未敢保儒衣

貴池道中作

羸駝驅野岸山遠路盤盤清露月華曉碧江星影寒離
群徒長泣去國自加飡霄漢寧無舊相哀是語端

喜王子載話舊

相逢青眼日相歎白頭時累話三朝事重看一局棋歡
娛非老大成長是嬰兒且盡罇中物無煩更後期

秋日病中

杳杳簷前竹秋聲拂簾涼病知陰已久愁覺夜初長坐
拾車前子行看肘後方無端憂食忌開鏡倍萎黃

訪許晦用

遠郭日曛曛停橈一訪君小橋通野水高樹入江雲酒
興曾無敵詩情舊逸群惟來音信少五十我無聞

題海鹽南館

故人營此地臺館尚依依
黑夜山魃語黃昏海鷺歸
舊陰楊葉在殘雨
槿花稀無復南亭賞
高簷紅燭輝

晚秋江上作

萬里窮秋客蕭條對落暉
煙霞山鳥散風雨廟神歸
地遠蟲聲切天長鴈影稀
那堪正砧杵幽思想寒衣

吳宮曲

日下苑西宮花飄香逕紅
玉釵斜白鷺羅帶弄青蟲
皓齒初含雪柔枝欲斷風
可憐傾國艷誰信女爲戎

賦昭君塚

萬里關山塚明妃舊死心
恨爲秋色晚愁結暮雲陰
夜切胡風起天高漢月臨
已知無玉良何事送黃金

哭汴州陸大夫

利劍太堅操何妨拔一毛寃深陸機霧憤積伍負濤直
道非無驗明時不錄勞誰當青史上卒爲顯詞褒

晚夏歸別業

古岸扁舟晚荒園一徑微鳥啼新果熟花落故人稀宿
潤侵苔梵斜陽照竹扉相逢盡鄉老無復話時機

公子行

春色滿城池杯盤看處移銚金斜鴈子鞍帕嫩鴉兒買
笑歌桃李尋歌折柳枝可怜明月夜長是管絃隨

題曾氏園林

十畝長堤宅蕭疎半老槐醉眠風卷簾某罷日移塔斫
樹遺乘斧澆花濕笋鞋還將濟物論終歲自安排

讀始興公傳

歿世議方存臯平道幾論詩情光日月筆力動乾坤亂
首光雄筭朝綱在典墳明時封禪績山下見丘門

中秋月

碧落桂含姿清秋是素期一年逢好夜萬里見明時絕
域行應久高城下更遲人間繫情事何處不相思

張承吉文集卷第

張承吉文集卷第一

雜詩

江西道中作二首

日落江村遠，煙雲度幾重。
問人孤驛路，馳馬亂山峯。
夜入霜林火，寒生水寺鍾。
淒涼哭途意，行處又饑凶。

其二

西江江上月，遠遠照征衣。
夜色草中網，秋聲林外機。
渚田牛路熟，石岸客舡稀。
無復是鄉井，鷓鴣聊自飛。

其三

秋灘一望平，遠望見山城。
落日啼烏白，空林露寄生。
燒畬殘火色，盪漿夜溪聲。
况是曾遊處，桑田小變更。

題常州水西館

隙地叢筠植脩廊列堵環樓臺踈占水崗岸遠成山盡
日草深映無風舟自閑聊當俟芳夕一泛芰荷間

題李瀆山居玉潭

古樹千年色蒼崖百尺陰
髮寒泉氣靜神駭玉光沉上
穴青真小中連碧海深何當煙月下一聽夜龍吟

題陸埔金沙洞居

東溪泉一眼歸卧愜高踈
浚水金沙淨梯雲石壁虛細
吟搔短髮深話笑長裾莫道遺名品嘗聞入洛初

題陸敦禮山居伏牛潭

伏牛真恠事餘勝幾人諳
日彩沉青壁煙容淨碧潭
泛心何處冷漱齒詎忘甘
幸挈壺中物期君止興酣

旅次石頭岸

行行石頭岸身事兩相違舊國日邊遠故人江上稀水
聲寒不盡山色暮相依惆悵未成話數行鷗又飛

觀宋州于使君家樂琵琶

歷歷四絃分重來上界聞玉盤飛夜霓金磬入秋雲隴
霧茄疑水砂風鴈咽群不堪天寒恨青塚是昭君

箏

綽綽下雲煙微羽皓腕鮮夜風生碧柱春水咽紅絃翠
珮輕猶觸鷺枝澁未遶芳音何更妙清月共嬋娟

歌

一夜列三清聞歌曲阜城雪飛紅燼影珠貫碧雲聲皓
齒嬌微發青蛾怨自生不知新弟子誰解轉喉輕

笙

董雙成一妙歷歷韻風篁清露鶴聲遠碧雲仙吹長氣
侵銀項濕膏胤添飄香曲罷不知處巫山空夕陽

五絃

小小月輪中斜抽半袖紅玉瓶秋滴水珠箔夜懸風微
調侵絃乙商聲過拍攏只愁纔曲罷雲雨去巴東

箏篋

一管妙清商纖紅玉指長雪藤新換索霞錦旋抽囊併
揭聲猶遠深合曲未央坐中知密顧微笑是周郎

笛

紫清人一管吹在月堂中鴈起雪雲夕龍吟煙水空虜
塵深漢地羌思切邊風試弄陽春曲西園桃已紅

舞

荆臺呈妙舞雲雨半羅衣
裊裊腰疑折
袞袞袖欲飛
霧輕紅躑躅風艷紫
薔薇強許傳新態
人間弟子稀

篋篋

星漢夜牢牢
深簾調更高
亂流公莫渡
沉骨嫗空嗥
向月輕輪甲
迎風重紉條
不堪聞別引
滄海恨波濤

簫

清籟遠惜惜
秦樓夜思深
碧空人已去
滄海鳳難尋
杳妙和雲絕
依微向水沉
還將九成意
高閣竚芳音

溪行寄京城故人

白日長多事
清溪偶獨尋
雲歸秋水闊
月出夜深坐
想天涯去行
悲海畔吟
京華故人在
誰復念浮沉

夕次桐廬

百里清溪口扁舟此去過晚潮風勢急寒葉南聲多
戍出山頭鼓樵通竹裏歌不堪無酒夜回首夢煙波

入潼關

都城三百里雄險此迴環地勢遙尊嶽河流側讓關
秦皇曾虎視漢祖昔龍顏何處梟雄輩干戈自不閑
南宮嘆亦述玄宗追恨太真妃事

北陸冰初結南宮漏更長何勞却睡草不驗返魂香
月隱仙娥鬢風殘夢蝶揚徒悲舊行跡一夜玉階霜

題平望驛

一派吳興水西來此驛分路遙經幾日身去是孤雲
雨氣朝忙幾雪聲夜聚蚊何堪秋草色到處重離群

隋宮懷古

廢宮深苑路煬帝此東行往事餘山色流年是水聲古
墻丹雘盡深棟黑煤生惆悵從今客經過未了情

偶蘇求至話別

幾年滄海別萬里白頭吟夜月江流闊春雲嶺路深珠
繁楊氏果翠燿孔家禽無復天南夢相思空樹林

秋齋

垂老歸休意栖栖陋巷中暗燈茶子落殘語酒瓶空滴
羸侵窳露虛踈入檻風何妨一蟬吟自賦木蘭叢

詠史二首

漢代非良計西戎世世塵無何求善馬不筭苦生民外
國讎虛結中華憤莫伸却教爲後耻昭帝遠和親

其二

留名魚貫連去於世絕遺音盡愛遼城下寧知滄海深偶
然飛一箭無事在千金迴望凌煙閣何人是此心

洞房驚

清曉洞房開佳人喜驚來乍疑釵上動輕似掌中迴暗
語臨窻戶深窺傍鏡臺新粧正含思莫拂畫樑埃

荅僧贈柱杖

千迴掌上橫玓重遠方情客問何人與闍僧寄一莖畫
空疑未決卓地計初成幸以文堪採扶持力不輕

鷺鷥

深窺思不窮揭趾淺沙中一點山光淨孤飛潭影空暗
棲松葉露雙下萼花風好是滄波侶誓然趣亦同

塞下

萬里配長征，連年慣野營。
人群來揀馬，拋伴去擒生。
箭掙鷗翎闊，弓盤鵝角輕。
問看行遠近，西去受降城。

憶雲陽宅

一別雲陽宅，深愁度歲華。
翠濃春檻柳，紅滿夜庭花。
鳥影垂纖竹，魚行踐淺沙。
聊當因寤寐，歸思浩無涯。

題造微禪師院

夜香聞偈後，岑寂播雙扉。
照竹燈和雪，穿松月到衣。
草堂疎磬斷，江寺故人稀。
唯憶江南雨，春風獨鳥歸。

酬武蘊之乙丑之歲始見華髮余自悲遂成繼

和

賈生年尚少，華髮遂相侵。
不是流光促，應緣別恨深。
怜君成苦調，感我獨長吟。
豈料清秋日，星星共映簪。

題萬道人禪房

何處鑿金禪壁西南江上峯殘陽過遠水落葉滿疎鍾
事靜中去道心塵外逢欲知情不動床下虎留蹤

病後訪山客

久病倦衾枕獨行來訪君因逢歸馬客共對出溪雲
新月坐中見暮蟬愁處聞相歡貴無事莫想路歧分

題松江驛

山色遠含空蒼茫澤國東海明先見曰江白迥開風鳥
道高原去人煙小逕通那知舊遺逸不在五湖中

處士隱居

斜日半飛閣高簾輕翳空清香芙蓉水碧冷琅玕風絕
岸孤松伏脩廊趾崇隆唯當餌仙木坐作朱顏翁

早春錢塘湖晚眺

落日下林坂，撫襟睇前蹤。
輕澌流迴浦，殘雪明高峯。
仰視天宇曠，俯登雲樹重。
聊當問真界，昨夜西壑鐘。

濠州水館

高閣去煩燠，客心遂安舒。
清流中落鳥，白石下游魚。
秋樹色凋翠，夜橋聲裏虛。
南軒更何待，坐見玉蟾蜍。

石頭城寺

山勢抱煙光，重門突岫傍。
連簷金像閣，半壁石龕廊。
碧樹蕪高頂，清池占下方。
徒悲官遊竟，盡日老僧房。

傷遷客歿南中

故人何處歿，謫宦極南天。
遠地身狼狽，窮途事果然。
白鬚纔過海，丹旆却歸船。
腸斷相逢路，新來客又遷。

烏夜啼

詞二

六

忽忽南飛返危絃共怨悽
暗霜移樹宿殘夜澆枝啼咽
絕聲重叙情滯思不迷不妨還報喜
使玉顏

張承吉文集卷第二

張承吉集卷第三

雜題

題潤州金山寺

一宿金山寺超然雜世群僧歸夜舫月籠出曉堂雲爲
色中流見鍾聲兩岸聞離思在朝市終日醉醺醺

題潤州甘露寺

千重構橫險高步出埃塵日月光先見江山勢盡來冷
雲虛水石清露滴樓臺況是東溟上平生意一開

題杭州孤山寺

樓臺聳碧岑一逕入湖心不雨山長潤無雲水自陰
漸橋荒蘚澁空院落花深猶憶西窓月鍾聲在柏林

題餘杭縣龍泉寺

四迴山一面樓殿倚嵯峨
中路見山遠上方行石多天
晴花氣漫地暖鳥音和徒漱
葛仙井此生其奈何

題徑山大覺禪師影堂

超然彼岸人一徑謝微塵
見相即非相觀身應是身
空門性未滅舊里化猶新
謾指堂中影誰言影似真

題濠州鍾離寺

遙遙東郭寺數里占原田
遠岫碧光合長淮清派連
院藏歸鳥樹鍾到落帆
舡唯羨空門叟栖心盡百年

秋夜宿靈隱寺師

月色荒城外江聲野寺中
負知交道薄老信釋門空
露葉彫堦蘚風枝戛井桐
不妨無酒夜閑話值生公

題杭州天竺寺

西南山最勝一界是諸天
上路穿巖竹分流入寺泉
躡雲丹井畔望月石橋邊
洞壑江聲遠樓臺海氣連
塔明春嶺雪鍾散暮松煙
何處去猶恨更看峯頂蓮

題杭州靈隱寺

峯巒開一掌朱檻幾環延
佛地花分界僧房竹引泉
五更樓下月十里郭中煙
後塔聳亭後前山橫閣前
溪沙澗水靜澗石點苔鮮
好是呼猿久西巖深響連

題蘇州靈巖寺

碧海西陵岸吳王此盛時
山行今佛寺水見舊宮池
亡國人遺恨空門事少悲
聊當值僧語盡日把松枝

題蘇州楞伽寺

樓臺山半腹又此一經行
樹隔夫差苑溪連勾踐城
上

坡松徑澁深坐石池清况是西峯頂淒涼故國情

題蘇州思益寺

四面山形斷樓臺此迥臨兩峯高崒岫一水下滄溟
鑿石西龍小穿松北塢深會當來結社長日為僧吟

題重居寺

浮菴經近郭長日羨僧閑竹遶深開院松門遠對山重
廊標板榜高殿鏤金鏤更問尋雷室西行咫尺間

題善權寺

碧峯南一寺最勝是仙源峻坂依巖壁清泉泄洞門金
函崇寶藏玉柱闕靈根寄謝香花叟高蹤不可接

題南陵隱靜寺

松徑上登攀深行煙靄間合流厨下水對鴛殿前山潤

壁鳥音過泉源僧步閑更憐飛一錫天外與雲還

題丘山寺

幾代儒家業何年佛寺碑地平邊海處江出上山時故
國人長往空門事可知淒涼問禪客身外即無爲

題道光上人山院

真僧上方界山路正巖巖地僻泉長冷亭香草不凡火
田生白菌煙岫老青衫盡日唯山水當知律行嚴

贈廬山僧

一室鑪峯下荒榛手自開粉牌新薤葉竹援小蕊擡樹
黑雲歸去山明日上來便知心是佛堅坐對寒灰

題惠山寺

舊人宅何在空門客自過泉聲到池盡月色上樓多小

洞生斜竹重塔夾細莎殷勤望城市雲水暮鍾和

題虎丘寺

輕棹駐迴流門登西虎丘霧青山月曉雲白海天秋倚
殿松株遊歌庭石片幽青娥幾時暮空色尚悠悠

題普賢寺

何人知寺路松竹暗春山潭黑龍應在巢空鶴未還經
年來客倦半日與僧閑更共嘗新茗聞鍾笑語間

題虎丘東寺

雲樹擁崔嵬深行異俗埃寺門山外入石壁地中開俯
砌池光動登樓海氣來傷心万年意金玉葬寒灰

題蘇州虎丘西寺

蹄塵楚城外一寺枕通波松色入門遠崗形連院多花

時長到處別路半經過惆悵舊禪客空房深荔蘿

題招隱寺

千年戴顓宅佛廟此崇修古井人名在清泉鹿跡幽竹
光寒閉院山影夜藏樓未得高僧言煙霞處暫遊

塞下曲

二十逐嫖姚分兵遠戍遼雪迷經塞夜冰壯渡河潮促
放鷗難下生騎馬未調小儒何足問看取劍橫腰

宿淮陰水館

積水自成陰昏昏月映林五更離浦棹一夜隔淮砧漂
母鄉非遠王孫道豈沉不當無健姬誰肯効前心

題小松

何處斲雲煙新移此館前碧姿塵不染清影露長鮮聳

地心纔直凌雲操未全可悲人自老何日是千年

夏日梅溪館寄龐舍人

東陽賓禮重高館望行期掃簾因松葉簞瓜便竹枝捲
簾聞鳥近翻枕夢久遲坐聽津橋說今營太守碑

感河上兵

一聞河塞上非是欲權兵首尾誠須畏膏首慎勿輕多
門徒可入盡室且思行莫為無媒者滄浪不濯纓

贈淮南將

年少好風情垂鞭眦眼行帶金師子小裘錦麒麟揀
匠裝銀鎗堆錢買細筆李陵虽効死時論亦輕生

題惠昌上人

半巖開一室香燧細氛氲石上漱秋水月中行夏雲律

持僧講說經誦梵書文好是風廊下遙遙掛褐裙

塞上曲

邊風卷地時日暮帳初移
積洶三通角山寒一點旗
連收搦索馬引滿射鷗兒
莫道勲功細將軍昔戍師

題秀師影堂

陰陰古寺杉松下記得長明一焰燈
盡日看山人不會影堂中是別來僧

題弋陽館

一葉飄然下弋陽殘霞昏日樹蒼蒼
暮溪謾淬干將劍却是猿聲斷客腸

題李脩源

岳陽新尉曉衙參却是傍人意未甘
昨夜與君思實誼

長沙猶在洞庭南

瓜州聞曉角

寒耿絳星照碧霄月樓吹角夜江遙五更人起煙霜靜
一曲殘聲遍落潮

連昌宮

龍虎旌旗雨露飄玉樓歌斷碧山遙玄宗上馬太真去
紅樹滿園香自銷

感春申君

薄俗何心議感恩諂容卑迹賴君門春申還道三千客
寂寞無人殺李園

元日仗

文武千官歲仗兵萬方同軌奏昇平上皇一御舍元殿

丹鳳門開白日明

千秋樂

八月平時花萼樓萬方同樂是千秋傾城人看長竿出一
技初成趙解愁

大酺樂二首

車駕東來值太平大酺三日洛陽城小兒一伎竿頭絕
天下傳呼萬歲聲

其二

紫陌酺歸日欲斜紅塵開路薛王家雙轅笑說樓前鼓
兩仗爭輪好落花

正月十五日夜燈

千門開鑠萬燈明正月中旬動帝京三百內人連袖舞

一時天上着詞聲

熱戲樂

熱戲爭心劇火燒銅槌暗熱不相饒
上皇失喜盡主笑
百尺幢竿果動搖

上已樂

猩猩血練繫頭標天上齊聲舉畫橈
却是內人爭意切
六宮紅袖一時招

邠王小管

虢國潛行韓國隨宜春深院映花枝
金輿遠幸無人見
偷把邠王小管吹

李謨笛

平時東幸洛陽城天樂宮中夜徹明
無奈李謨偷曲譜

酒樓吹笛是新聲

張承吉文集第三